


52967

I Mag. St. Dr.
kat. komp.



D. O. M. A.

DE CREPUSCULIS
ET EORUM DIMENSIO.

NEM CONSEQUEN-
TIBUS,

POSITIONES OPTICAE:

Quas

In Gymnasio Dantiscano

PRÆSIDE

M. PETRO CRÜGERO,
PROFESS. MATH.

*Disputatione publica
defendet*

JOHANNES STOBENBERG
ELBINGENSIS.

Ad d. xx. Januar. Anni 1618.
Horis locoque consuetis.

DANTISCI, Typi HÜNEFELDIANIS.

W. IX. 51 68

E



MAGNIFICIS,

NOBILISSIMIS, SPECTABILIBVS ET

Amplissimis Viris;

Dn. ISRAELI HOPPIO, Proconsuli
& pro tempore Burggrabio
Regio;

Dn. JOHANNI JUNGSCULTZ
Juniori, Proconsuli,

Dn. JOHANNI JUNGSCULTZ,
Seniori; Consuli

REIPUBL. ELBINGENSIS;

Patronis suis observantissimè colendis:

Vt &

SPECTATA INTEGRITATIS VIRO

MARTINO MICHAELIS,

Ejusdem Reip. Centum Viro,

Avunculo suo honorando:

Hunc messis ex agro Dantiscano
Philosophicæ manipulum

sacrificat

Respondens.

52967

1



DE CREPUSCULIS.

THESIS I.

INter nobilissimas Opticæ contemplationes non postremum locum obtinet Crepusculorum doctrina, non minùs jucunda, quàm ad Physicam & Astronomiam utilis.

II.

Dicitur Crepusculum à luce crepera h.e. dubia,

Quam tu nec tenebras nec possis dicere lucem

Sed cum luce tamen dubiæ confinia noctis.

Ovid.

III.

Unde definitur à quibusdam Lux dubia inter diem noctemque media.

IV.

Est igitur Crepusculum duplex, Matutinum & Vespertinum.

V.

Matutinum alio nomine vocatur *Aurora* q. Aurea Coeli Ora, à grato istius oræ sive plagæ splendore; Vespertinum hoc suo nomine contentum est.

Vl.

Matutini tempus est intervallum à primo albescentis horizonis ortivi momento ad ortum Solis. Vespertini, ab occasu Solis ad ultimum albescentis Horizonis occidui momentum.

Vll.

Et horizontem hîc intelligimus non rationalem, sed sensibilem.

Vlll.

Hujus creperæ lucis causam ac dimensionem, Sole sub horizontem constituto, non immeritò per- vestigarunt Philosophi.

Ix.

Causam satis intellexit Statius, dum ipsi

Longa repercusso nituere crepuscula Phæbo.

X.

Est enim Crepusculum nihil aliud quàm radio- rum Solarium supremum aërem illuminantium ad nos, intra conum umbræ terrenæ constitutos, reper- cussio sive reflexio.

Xl.

Quod ut evidentiùs innotescat, axiomatibus id Opticis ita declarabimus.

Xll.

Radii Solares directi diu noctuque totum hoc Universum collustrant, exceptis illis, quæ interveni- entibus Opacis obumbrantur.

Xlll.

Etsi verò cuncta extra umbras posita collustran- tur,

tur, non tamen ea cuncta propterea etiam videntur.

XIV.

Nimirum quicquid corporeum videri debet, ali
quali densitate præditum esse debet, quò radii lucis in
eo figi possint; corpora proinde nimis rara, tenuia,
subtilia, quod radijs undequaque sint liberè pervia,
sub aspectum cadere non possunt.

XV.

Sic ergò Cælum (etiam serenum) præter stellas, &
iste, si quis intra cælum & aërem existit, ignis, ob ni
miam sui raritatem apprehendi visu nequeunt, etsi
paucissimis tantum particulis à globo terreno & lu
nari (fortè etiam reliquorum præter Solem planeta
rum globis) inumbrentur.

XVI.

Aër his quidem densior est, sed tamen & is non
dum conspicitur eandem ob causam.

XVII.

Exhalationes autem è terra perpetuò sursum
ascendentes, quia crassiori spissitudine superiùs con
densantur, radijs Solaribus perfusæ videri possunt.

XVIII.

Non quidem interdum Sole scil. præsentè, sed Sole in
fra horizontem ad debitum intervallum absente.

XIX.

Nimirum Sol subterraneus matutinus horizonti

ortivo appropinquans radijs suis directis incipit illuminare altissimas supremi aëris exhalationes, paulò antè adhuc intra umbram terræ positas; quæ simul atque illuminari incipiunt, radios lucis primum obscuriores, inde successivè splendidiores, ad nos intra conum adhuc umbræ terrenæ versantes reflectunt.

XX.

Contrà Sol occidens relinquit supremas exhalationes ad certam durationem illuminatas: quæ lumen hoc eodem modo ad nos jam umbrâ terrenâ denuò circumclusos repercutiunt, sed subinde debilius & obscurius, donec omnis in ipso horizonte occiduo claritas evanescat.

XXI.

Itaque materia Crepusculorum sunt Exhalationes, non illæ vaporosæ & humidæ, regionem aëris mediam incolentes, sed fumosæ & siccæ, in supremam regionem, interdum ad convexam ejus superficiem, ascendentes.

XXII.

Causa efficiens remota est Solis infra horizontem, ad conveniens tamen intervallum, absentia: propinqua, radii solares in supremum aërem supra sensibilem horizontem incidentes: proxima, radiorum solarium in conum umbræ terrenæ repercussio.

XXIII.

Hæc de causis Crepusculorum: dimensio eorundem concernit vel longitudinem sive durationem; vel materiæ Crepuscularis à superficie terræ distantiā.

XXIV.

Longitudo Crepusculi vel observatione deprehenditur vel calculo.

XXV.

Observatio fit, sereno cœlo, accuratâ inspectione primi albicantis puncti in horizonte ortivo, vel ultimi in occiduo; Differentia namque inter hoc temporis momentum & ortû aut occasum supremi marginis Solaris est longitudo crepusculi. Et hoc initium crepusculi matutini vel finis vespertini per observationem eo momento stellæ fixæ altitudinem exactè limitatur.

XXVI.

Calculus duo requirit præcognita. 1. Locum, declinationem, & arcum semidiurnum Solis. 2. Centri Solaris in circuli verticalis arcu subterraneo depressio, nem sub initium crepusculi matutini vel finem vespertini.

XXVII.

Prius è tabulis hauritur Astronomicis; Posterius ab artificibus non eâdem quantitate compertum est. Alhazenius & Vitellio produnt gr. 19. recentiores pleriq; 18. Tycho Brahe in Dania vix 16 $\frac{1}{2}$, At Rothmannus in Hassia 24. quantam nemo alius.

XXVIII.

Nimirum pro diuersa materiæ elevatione variari necesse est arcum occultationis Solis; Altiùs enim subiectæ exhalationes à sole profundiori citius illuminari possunt, quàm humiliores. Media tamen occultatio Solaris, ut diximus, æstimatur 18 gradibus.

XXXIX.

His præcognitis in Sphæra recta calculus his nititur proportionibus. 1. In Equinoctiis is ipse 18 gr. arcus in horas conversus est longitudo crepusculi. 2. Extra Equinoctia, Vt sinus rectus declinationis est ad sinum rectum arcus occultationis 18 gr. Sic Sinus totus est ad sinum rectum arcus in horas convertendi, ut prodeat longitudo crepusculi.

XXX.

In Sphæra obliqua, Vt sinus totus est ad secantem Elevationis Poli, Sic sinus rectus arcus occultationis est ad sinum rectum sinui verso arcus semidiurni Solis addendum, ut habeatur sinus versus summæ arcuum semidiurni ☉ & Crepusculi, à quo detractus semidiurnus relinquat arcum crepusculi, in horas convertendum.

XXXI.

Hæc ut fundamentis Trigonometricis nituntur ac demonstrantur, ita exemplis Arithmeticis hoc loco non indigent.

XXXII.

Si Solis occultatio nocturna minor sit arcu occultationis ad crepuscula determinato, crepusculum illis noctibus est pernox. Quemadmodum in nostro hori-
zonte, si arcus occultationis assumatur 18 gr. crepusculum pernox est à 19 gr. & ad 11^h 2, h. e. à 10 Maij ad initium Augusti.

XXXIII.

Ad materiæ crepuscularis elevationem investigandam, præter occultationem ☉is Subterraneam præco-

cognita requiruntur. 1. Diametrorum \odot is & Terræ
proportio, 2. \odot & Terræ distantia. 3. arcûs Terræ à \odot
illuminati quantitas. XXXIV.

Diametri Solaris ad Terrenam proportio est
quintupla sesquialtera, qualis $5\frac{1}{2}$ ad 1; aut juxta Ty-
chonis dimensiones, ut $5\frac{11}{10}$ ad 1. Et hanc proportionē
Astronomi deprehendunt apodicticè per luminari-
um Eclipses, adminiculo doctrinæ Δ lorum.

XXXV.

Similiter inde deducunt distantiam centrorum
Solis & Terræ; quæ juxta Tychonem est 1142 semidd.
terræ, intellige inter apogæam & perigæam media.

XXXVI.

Iam porrò è distantia centrorum & proportionē
diametrorum pervenimus in quantitatē arcus Terræ
à Sole illuminati. Nam sicut se habet centrorum dis-
tancia (1142 semidiamm. Terræ) Ad differentiam
semidiametrorum ($4\frac{11}{10}$ semidd. Terræ) Sic se habet
sinus totus 10000000 ad 38587 sinum dimidii ex-
cessus illuminationis supra semicirculū. Est igitur di-
midius hic excessus $1\frac{1}{2}$ itaq; totus $1\frac{16}{16}$; ac proinde
de Sol illuminat de Terra 180 gr. 26 min. 26 sec. Non
enim illuminat, ut multi opinantur, exactum hemi-
sphæriū; sed, ut rationes Opticæ demonstrant, segmē-
tum paulò majus. XXXVII.

His ita præcognitis summam materiæ crepusculi
næ elevationem investigare non est difficile: Nam si

B

dimi-

dimidius excessus arcûs supra semicirculum illumi-
nati subtrahatur ab occultatione Solis subterranea,
tum ut sinus totus est ad secantem semirefidui, sic
semidiameter Terræ est ad remotissimam illumina-
rum exhalationum distantiam à centro terræ; à qua
subtracta terræ semidiameter relinquit exhalationum
distantiam à Terræ superficie.

Quod majorem apud omnes hæc jucunda speculatio mereatur fidem, sequenti eam dia-
grammate demonstrabimus. Est A centrum terræ, cujus circumferentia $KQPOR$;
centrum Solis, cujus circumferentia CED ; Radij extremi Terram illuminantes CX &
 DX , tangentes terram in Q & R , (ubi sc. è centro A perpendiculares in tangentes in-
dunt) per 18 III. Eucl. Erunt igitur arcus terra à C illuminatus QKT , & à D se-
missis QKT & TV ; siquidem AVB per centra C & terra ducitur. QAR autem est co-
lis umbra terre. Est etiam FG diameter horizonis rationalis, cui ducta parallela



HI sit diameter horizon-
is visibilis tangens terræ
superficiem in O centro
visus. Est ergo FB arcus
occultationis O initio cre-
pusculi matutini. Duca-
tur CB convexa superficies
exhalationum LMN ; du-
catur item CB semidia-
meter C perpendicularis
radio solari terram con-
tingenti CX , itemq; duca-
tur AS eidem radio pa-
rallèle, sicutque CS aqua-
lis CB parallela semidia-
metro terre QA , per
33. I Eucl. Et ita S B est
differentia semidia-
metrorum C & terra.

Quibus ita præparatis
demonstrationem bis mem-
bris includemus.

1. *Convexa superficies exhalationum necessarid transit per M punctum*
 sc. ubi sensibilis horizon HI & radius solaris terram tangens CX sese inter-
 secant. Nam quia punctum id, quod in horizonte ortivo primitus nobis albe-
 scit, remotissimum est, (remotissima certè citius umbrâ terrenâ liberantur)
 arcum $L MN$ sepe rursus describi nequit, alioquin magnâ iam pars illuminata esset
 supra horizonem: sin arcus iste describere eur humilior, punctum quo secaret
 horizonsem, in profundâ adhuc esset umbra; ut figuram consideranti ad oculum
 patet. Est ergo punctum primum illuminatum & à centro terræ remotissi-
 mum M .

2. Quia OA perpendicularis est horizoni visibili HI & huic paralelus
 extrinsecus FG , erit angulus rebus non tantum MOA , sed etiam OKA .
 Sic etiam quia AQ perpendicularis est radio solari CX , & huic ducta est
 paralela SA , erunt anguli CQA & QAS recti, Atque ita non tantum $Qua-$
 drans OK , sed etiam QT .

3. Arcus OQ & KT sive anguli OAQ & KAT sunt aequales. Quia
 cum OK & QT quadrantes sint, ablatu ab utroque angulus QAK relinquit
 angulus OAQ & KAT aequales.

4. Ducta recta AM è centro terræ ad punctum illuminatum remotissi-
 mum bisecabit arcum QO sive angulum QAO . Quia cum $\Delta la QMA$ &
 & MAO ad O & Q rectangula sint, & latera QA & OA (eiusdem circuli
 radius) habeant aqualia, laterum MA commune, sequitur & latus tertium
 QM aequale esse tertio MO per 47. I. Eucl. ideoque anguli QAM &
 MAO lateribus his oppositi per 8. I. Eucl. sunt aequales. Horum mensura
 sunt arcus QP & PO .

Item sicut se habet AB distantia centrorum \odot & Terræ, ad BS diffe-
 rentiam semidiametrorum \odot & Terræ, sic A sinus totus ad BS sinum anguli
 BAS vel VAT vel etiam arcus VT . Hic arcus cum quadrante TQ cons-
 tituit semissem arcum terreni à \odot illuminati: est itaque VT dimidius excessus
 seu supra semicirculum à \odot illuminatum, qui ibi est 36 computabatur. Hic ar-
 cus porro subtrahitur ab arcu occultationis Solaris KV (i. FB, quia hi sunt
 arcus similes) relinquit arcum TK , sive (per membrum demonstr. 3.) QO ,
 cuius semissem (per memb. 4) est PO . Si itaque OA assumatur ut sinus to-
 tus, fiet AM secans arcum jam inventi PO : Eratq; per doctrinam Δ lorum VS
 OA sinus totus ad AM secantem anguli OAP vel arcus OP , sic OA semidia-
 meter Terræ ad AM distantiam remotissimarum exhalationum à centro terra:
 à quâ subtrahatur semidiameter AP relinquit ipsarum exhalationum
 à superficie terrenâ distantiam quesitam.

Hac

XXXVIII.

Hac supputatione Alhazen & Vitellio ex distantia
centrorum ☉ & Terræ 110 semidd, terr. & occultatio-
ne ☉is subterranea 19 gr. invenerunt distantiam su-
premarum exhalationum à superficie terræ 52 milliar.
Italicorum, h. e. 13 Germanicorum, si quaterna Italica
singulis Germ. æquipares; sin his æquipares quina,
distantia vix est 10⁷ mill. Germ.

XXXIX.

Petrus Nonius è distantia ☉ & Terræ Albategni-
anæ 1108 & occultatione ☉ à se particulatim observa-
ta 16 gr. 2 min. eruit altitudinem exhalationum 381
stadiorum, qualium juxta Eratosthenem semidiamete-
r terræ est 39773; si stadia 32 uni milliari Germanico
æquipares, erit hæc altitudo 12 milliar. Germ sin mil-
liare Germ. æstimes 40 stadiis, erit hæc altitudo vix
9⁷ mill. Sed hic Nonii calculus laborat falsis præsup-
positis: nam & illa Albategniana Solis & Terræ di-
stantia justo minor est, & semidiameter terræ Era-
tosthenica (sive 32 sive 40 stadijs miliare Germani-
cum æstimes) nimis veritatem excedit.

XL.

Si Tychonicam ☉ & Terræ distantiam & pro-
portionem semidiametrorum adhibuerimus, prove-
nit altitudo exhalationum à superficie Terræ ad ar-
cum Occultationis ☉ _____

16 ¹ gr.	quantū Tycho observavit, mill. Germ.	8 ¹ / ₃
17 gr.	_____	9 ¹ / ₁₀
18 gr.	_____	10 ¹ / ₇
19 gr.	_____	11 ¹ / ₁₀
20 gr.	_____	13
24 gr.	quantum observavit Rothmannus,	19

De hujus ultimi occultationis arcus certitudine nonnihil dubitamus, quandoquidem eo admissio crepuscula in nostro horizonte pernoctia durarent à 20 April. ad 22 Augusti. Quod tamen ab experientia planè dissentit. Ut non immeritò videatur Tycho (pag 158. Epistt. Astronomm.) Rothmannum perstringere, quod is duobus suis oculis ac duobus tantum instrumentis plus habeat fidei, quam 16 oculis & tot instrumentis Observatorum Tychonico- rum. Legatur horum excellentissimorum Artificum hac de re disceptatio lib. 1. Epistt. Astronomm. Ty- chon. pag. 112. 124. 139. 140. 152 & 158.

Et hinc nostra Crepusculorum contemplatio quiescat.





CONSECTARIA POSITIO.

NUM.

F ^{I.} *Vmorum in alto non ubiq; vel semper est eadem à superficie
terrae distantia, per th. 28.*

^{II.} *Nulla pars est aëris, quò fumi ascendentes penetrare non pos-
sint, ne quidem pars altissima, superficiei convexæ cōtermina, per
th. 21).*

^{III.} *Tanta, vel plusculum major, est aëris altitudo, quanta fumo-
rum remotissima observata distantia, per eandem & 37.*

^{IV.} *Altitudo aëris maxima vix est 20 mill. Germ. per th. 40.
imò fortasse minor, Sed simus liberales:*

^{V.} *Perperà n Cardanus lib. 4. subtil. demonstrare nititur, sum-
mam vaporum sive fumorum distantiam à superficie terræ esse bru-
mali quidem tempore 288 mill. Italicorum sive 72 Germanico-
rum, æstivo verò 772 Ital. sive 193 German. Nam 1 rectas
in schemate nostro MC & AB propter ingentem Solis di-
stantiam assumit parallelas & ipse angulos HMC & KAB
facit*

facit æquales: quod si concederetur, terra à ☉ non illuminaretur ultra exactum hemisphærium, contra leges Opticas. 2 semidiametrū terræ præsupponit 5000 mill. Italicorum hoc est 1250 German. (quaterna Italica singulis Germanicis tribuendo) duplo termē veritatem excedens. Quam fallā semidiametrum lib. 2. deduxerat ē falsis principiis, dum uni gradui cælesti 87ⁱ milliaria Italica hoc est 22 proximē Germanica respondere asserit. At quis rupex hæc ita dimensus est? Omnium Astronomorum suffragio notum, & Eclipsibus Iribus satis comprobatum est, singulis gradibus respondere 15 mill. Germ. hoc est 60 Italica. 3 Quod crassum est, altissimum vaporum terminum constituit in puncto 2 nostri schematis, hoc est in concursu radii Solaris terram tangentis & diametri Verticalis: contra demonstrata nostra th. 37. membri 1. Vide etiam Alhazenum, Vitellionem, Nonium, Vnde Rubertus Hues Cardanum non mediocri labe sui nominis has nugas scriptis mandasse tradit.


VI.

Hinc porro sequitur, autoritate Cardani deceptos esse eos qui scribunt Nubes à superficie terræ abesse hybernis temporibus 72, æstivis 193 mill. Germ. Poterant eos editissimorum montium cacumina, non modo Plinii, Solini, Melæ, sed & recentiorum asseveratione supra nubes, & quidem æstivas, eminentia ab his Cardani paralogismis (pænè cum Hues dixerint, Nugas) dehortari.

VII.

Tradunt nonnulli, Cometas Aristotelico modo consideratos (hoc est in supremo aëre generatos & accensos) moles esse magnorum instar montium, etiam duo sapè milliaria Germanica æquantium: quod a. visibilem tantū stellæ magnitudinem referant, id fieri ob magnam à nobis distantiam, siquidem ultra mille milliaria Ger-

Germanica in altum distent. Verumq̃ falsum. Posterius quidem per th. 40, Prius autem ex hac demonstratione: Sit Cometa, cujus diameter BC milliare saltem Germanicum æquet, sitq; D noster visus, DC summa altitudo aëris, quanta potest esse, 20 mill. per th. 40. Erit itaq; per doctrinam Δ lorum Vt DC 20 mill. ad CA milliare dimidium, sic DC sinus totus 100000 ad CA 2500 sinum anguli ADC 1 gr. 26 min. igitur totus BD C 2 gr. 52. min. Tanta esset apparens diameter Cometæ, nempe sextupla ferè diametri Solaris. Quod cum experientia refutet, sequitur Cometas eos non esse tam vastæ molis, ut quidam opinantur. Si quis dicat, observatos tamen ab Astronomis esse nonnullos Cometas longè ultra hos aëris terminos, respondemus, tales vel in æthere generatos, vel exactè fabricatis instrumentis aut observatoris debitâ curâ non observatos esse. Certum est enim & omnium Opticorum demonstratione stabilitum, exhalationes crepusculinas, quæ omnium exhalationum purissimæ & levissimæ, non ascendere supra terminos à nobis constitutos.




Hæc disputationes libris BCE signatas mihi
donavit Clarissimus Dominus Petrus Cingrius Math
maicus, Dantiscanus, cum assensu Dantis.
anno 1792. Mense Augusto.
1774.

s quidem
t Come-
n aquer,
ta potest



Biblioteka Jagiellońska



stdr0034528

